

Kontuola

ANTZUOLA / Egubakoitza / 2004ko azaroaren 5a / 221. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Hamar bikotek ekingo diote pilota txapelketari bihar, zapatua, goizean

AINZANE IRIZAR


Bihar, zapatua, hasiko da Olalde elkarteak antolatutako Herri Mailako Eskuz Binakako Pilota Txapelketa. Olalde norgehiagoka hori antolatzen duen zortzigarren urtea da aurtengoa. Bihar hasita, zapatu goizero jokatuko dituzte partiduak.

Bihar, zapatua, 09:30ean ekingo diote txapelketako lehendabiziko partidua jokatzeari. Guztira, lau partidu jokatuko dituzte; 10:00etan, 10:30ean eta 11:00etan izango dira gainerako partiduak, Udal Pilotalekuan.

Bihartik aurrera, zapatu goizero lau partidu jokatuko dituzte, abenduaren 11ra arte. Egun horretan, finalerdietako partiduak jokatuko dituzte. Finala, berriz, hilaren 18an izango da. Aipatzekoa da, bestalde, partiduak 18 tantora jokatuko dituztela.

HAMAR BIKOTE BI TALDETAN

Aurten, aurreko urtetan ez bezala, maila bakarrean jokatuko dute txapelketan izena eman duten hamar bikoteek. Baina, parte hartzaileak bi taldetan banatu dituzte. Hona hemen txapelketan jardungo duten hamar bikoteak; lehenengo taldean, honako hauek: Mikel Bargiela eta Jon Pagaldai; Aranguren eta Luis Larrea; Juan Simon Aristi eta Juan Manuel Aranburu; Agirrezabal eta Sara-legi eta Joseba Lezeta eta Juanjo Aranburu. Beste taldean, berriz,



Zapatu goizero lau partidu jokatuko dituzte, Udal Pilotalekuan.

ARTXIBOA

Bihar hasi eta abenduaren 11ra arte, zapaturu, lau partidu izango ditugu

honako bikote hauek ditugu: Mikel Urtzelai eta Jon Gurutz Biteri; Julen Iparragirre eta Mikel Larrañaga; Migel Mari Jauregi eta Mikel Muguruza; Andoni

Hamar bikotek eman dute izena, eta guztiek jokatuko dute maila berdinean

Balardi eta Bideluze; Aaron Almena eta Eneko Zabaleta.

Talde bakoitzeko lehendabiziko bi bikoteak sailkatuko dira finalerdietarako. Esan bezala,

Abenduaren 11n finalerdiak eta abenduaren 18an, berriz, finala jokatuko dute

abenduaren 11n jokatuko dituzte finalerdiak; handik bi bikote sailkatuko dira finalerako; abenduaren 18an, hain justu, jokatuko da finala.

LABUR

Hankapalo ikastaroa Gaztegunean

Hankapaloetan ibiltzen ikasteko ikastaroa antolatu dute oraingo astebururako Gazteguneko gaztetxoek eta arduradunek. Bihar, zapatua, izango da hori, arratsaldean. Gaztegunearen lokalean bertan, Errekalden, eskainiko du ikastaro hori, horretan jarduten duen talde batek.

Erretiratuek salgai jarriko dute Gabonetako loteria

Datorren martitzenean, hilak 9, Gabonetako loteria salgai jarriko dute erretiratuen elkarteko kideek. 18:00etatik 19:00etara egongo dira loteria saltzen egoitzan bertan, hiru euroren truke. Egun horretan denak saltzen ez badituzte, hurrengo egunetan ere saltzen jarraituko dute.

Osintxu-Antzuola ibilaldia antolatu du Arrolak

Hilaren 14an izango da Osintxu-Antzuola ibilaldia. Bidean, Gorlan, hain zuzen ere, babarrunak bazkalduko dituzte. Martitzenean, hilak 9, eman beharko duzue irteera horretarako izena. Nagusiek 7 euro eta gaztetxoek 3 ordaindu beharko dute.

Juan Cruz
ARGAZKIAK

Urriaren 15ean zozketatutako Olympus 350 kamera digitala Julian Iparragirrek irabazi du.

Zorionak Julian!



Herriko plaza 4. Tel.: 943 78 70 66. ANTZUOLA

GAILUR
taberna eta gozotegia

Buztinzuri 13 ANTZUOLA
Tel.: 943 78 70 32

ANTZUOLA
Apainketak eta isolamenduak
Pladurrezko dibisioak

Kalegoi 21 ANTZUOLA
676 997 400
Biltegia: 943 78 70 40

LARREA
TABERNA

Kalebarren 17
ANTZUOLA

ELKARRIZKETA

TXOMIN ALBERDI/ANTZUOLAKO GAZTE ASANBLADAKO KIDEA

"Uste genuen baino jende gehiago dabil gaztetxean"

Hilabete baino gehiago pasatu da gaztetxea zabaldu zutenetik. Orduetik gauzak zela doazen jakin nahi izan dugu. Horretarako, Txomin Alberdi gazte asanbladako kidearekin berba egin dugu.

Hilabete eta erdi inguru pasatu da gaztetxea zabaldu zutenetik. Ze balorazio egiten duzue gazte asanbladan?

Orokorrean, oso balorazio positiboa egiten dugu. Alde batek, lokala zabaldu zenetik, gazte asanbladan geroago eta jende gehiagok dihardu lanean; bestetik, gaztetxean bertan ere guk uste genuena baino jende gehiago dabil, egunero eta antolatu ditugun ekintzak ere oso arrakastatsua izan dira. Egia da arazotxo batzuk izan genituela eta hiru egunez itxita egon zela, lokal barruko hainbat gauza apurtu

zituztelako batzuek; baina, arazo hori dagoeneko konpondu genuen eta pozik gaude.

Zela funtzionatzen du gaztetxeak?

Koadrila bakoitzak badauzka giltzak eta giltzak dituzten guztiek euren ardurak ere badituzte. Astero koadrila bati egokitzen zaio gaztetxea garbitzea; egunero garbitzen dugu lokala, eta bi egunetik behin, komunak garbitzen ditugu.

Bestalde, gaztetxearen arduradun nagusia gazte asanblada da; asanbladaren barruan taldeak egin ditugu, eta talde bakoitzak

"Orokorrean, hilabete eta erdi honetako balorazio oso positiboa egiten dugu"


bere ardurak ditu. Talde bat, adibidez, barne funtzionamenduaren arduraduna da; eurek erosten dute janaria, edariak eta abar; beste talde bat diru kontuetaz arduratzen da... Egubakoitzero elkartzen gara talde guztiak eta gauzak zela doazen ikusi.

Zenbat gaztek erabiltzen du gaztetxea?

Asteazken egunero erabiltzen dugunok berrogei bat lagun izango gara, gutxi gorabehera. **Orain arte ze ekitaldi antolatu duzue?**

Inauguraziorako bertso afaria antolatu genuen; gero, ibarreko gazte asanbladen topaketa ere izan genuen eta orduan ere afaria egin genuen.

Aurrera begira, berriz, ekintza garrantzitsuena izango da hiesaren gainekoa; Txo Hiesakoekin harremanetan gaude, berbaldi bat antolatzeko. Bestalde, Gabonetako 24 orduak eta Independentzia eguna ere geuk antolatuko ditugu.



A.I.

KULTURA

Kultura ekitaldi mordoa izango dugu herrian azaroan zehar

ANTZANE IRIZAR

Udalak antolatutako kultura egitaraua ekitaldiz beteta dator kiguru hasi berri dugun hilabete honetan. Antzerkia, hitzaldiak, musika, lehiaketak... denetik izango dugu azaroan zehar.

Azaroan ekitaldi sortarekin hasteko, Udalak antolatutako lehiaketako argazkien erakusketa izango dugu datorren asteburuan eta hurrengoan. Domekan, hilak 14, lehiaketa

horretako sariak banatuko dituzte, Olanen etxean.

Bestalde, zapatuan, hilak 13, Antzuolaren gaineko bideoa, *Barne-barnetik*, aurkeztuko dute. Herriko historia, ohiturak, ondarea eta urte oso baten herrian izandako gertakari adierazgarrienak jasotzen ditu bideo horrek. Egun bertan, hilak 13, gaztetxoendako tortilla lehiaketa izango dugu.

Azaroaren 18an, eguena, Nabarralde elkartearen aurkez-

pena izango dugu; Erlantz Urtasunek egingo du elkartearen gaineko berbaldia.

Hilaren 20an ipuin kontalaria izango dute umek, liburutegian; 22an, berriz, Santa Zezilia eguna dela eta, txistulariek kalejira egingo dute; ospakizunak, baina, hilaren 28an egingo dituzte.

Azaroaren 27an, zapatua, umeendako *Inaxitoren ametsak* saioa izango dugu. Egun bertan Anelkarrek elkartasun festa egingo du.

Senidetzea ofiziala da

Aurreko asteko egubakoitzetik, ofiziala da Aiherra eta Antzuolaren arteko senidetzea. Aiherrako Herriko Etxean sinatu zuten senidetze hori Jean Paul Basterretxe Aiherrako auzapezak eta Jose Angel Zabalo Antzuolako alkateak. Ekitaldiz betetako asteburua izan genuen antzuolarrok eta aihertarrek; giro ezin hobea izan genuen, gainera./A.I.



KIROLA

PARTIDUAK

FUTBOLA

Azaroak 6

11:30: Antzuola-Bergara (Inf.F-8)

15:45: Antzuola-Eibartarrak (Erregion.)

PILOTA

Azaroak 6 (Herriko Txapelketa)

09:30: Herriko Pilota Txapelketako lau partidu jokatuko dituzte.

EMAITZAK

FUTBOLA

Antzuola 2 Zestoa 1 (2. erreg.)

Antzuola 5 Zestoa 4 (Kadeteak)

PILOTA

Gipuzkoako Kluben Arteko Txap.

Olalde-Zumarraga (eskuz nag.) . 10-22



Bizikleta aparkalekuak jarri dituzte

Gaztetxearen kanpoko aldean bizikleta aparkalekuak jarri ditu Udalak. 15 bat bizikleta aparkatzeko lekua dago hantxe. Gaztetxea zabaldu zutenetik, bizikleta asko pilatzen ziren inguru horretan. Hori ikusita, Udaleko arduradunek erabaki zuten aparkalekua jartzea./A.I.